

e altre particolarità. E che era nova dil campo di Bologna che la strenzevano, ma erano intrati dentro 500 guasconi : il Papa spera di averla.

Fo leto il breve dil Papa drizato a la Signoria nostra, di 23, da Roma. Come si mandi il resto di le page passate in campo di spagnoli, et si provedi a la 4.^a, sarà a di 10 fevrer il termine justa li capitoli di la liga. *Item*, si aceti li capitoli mandati zercha lo acordo con l'Imperador, altramente li sarà forzo insieme con il Catholico re aiutar l'Imperador a rehavere il suo stato; con altre parole di questo tenor, persuadendo lo acordo, et protestando non si dogliamo poi si non de nui medesimi.

*Scurtinio di orator al vicerè di Napoli,
con ducati 100 al mexe, con pena.*

Sier Domenego Dolfin, fo capitano al Golfo, qu. sier Dolfin	33. 143
Sier Domenego Malipiero, fo savio a terra ferma, qu. sier Francesco	46. 127
Sier Alvixe Dolfin, fo provedador in la Patria, qu. sier Dolfin	44. 140
Sier Zorzi Emo el savio dil Consejo, qu. sier Zuan el cavalier	74. 107
Sier Andrea Mozenigo el dotor, fo a la camera d'imprestedi, di sier Lunardo	28. 152
Sier Anzolo Cabriel, fo auditor vecchio, qu. sier Silvestro	34. 143
Sier Marin Sanudo, qu. sier Lunardo	32. 143
Sier Antonio Condolmer, fo savio a terra ferma, qu. sier Bernardo	66. 111
Sier Zorzi Pixani dotor et cavalier, fo consier, qu. sier Zuane	57. 117
Sier Alvise Lion, fo podestà a Chioza, qu. sier Domenego	58. 107
Sier Francesco Capelo el cavalier, fo provedador zeneral in la Patria, qu. sier Cristofolo	93. 81
† Sier Marin Zorzi el dotor, fo cao dil Consejo di X, qu. sier Bernardo	96. 79

265 *Sumario di una letera di Roma dil conte Hieronimo di Porzil, data a di 5 fevrer 1511 (1512), a sier Zuan Badoer dotor e cavalier drizata, ricevuta a di 15 dito.*

Come ozi in concistorio sono stà dati li benefici di San Severino, privato, zoè lo episcopato di Novara al cardinal sguzaro, certa abatia apresso Mi-

lano al cardinal Medici, un'altra abatia in parmesana a uno camerier dil Papa parmesano; bisognerà mo haver il possesso. De Bologna se dice ysperi far una spianata per intrar a cavallo dove sono butate le mure: è intrato tre bandiere de guasconi dentro. Se dice che, per tortura de alcuni presoni francesi, si ha che francesi hanno 1200 lanze e fanti 9000 a la via di Bologna. Scrive intende da chi lo sa, che lo agente di Spagna sta di mala voglia et se dole de' veneti, dicendo che non mandano le gente d'arme e fantarie secondo la promessa; et li ha dito *in secretis* il cardinal Flisco che l'ha dicto lo agente di Hongaria, che *etiam* sequendo lo acordo con l'Imperador, esso non si disligerà di Franza. E scrive lui tien ch'el non sarà 6 mexi pregherà tutti che sia contra Franza, e cussì tien certo lo agente di Spagna: più li fa male di danari si spende, che di altro. Idio ispiri di la pace.

*Di sier Matio Sanudo pagador, sopravene 266¹⁾
letere nel balotar dil dito orator, qual poi fo lette, date in Soave a di 12, hore 4 di note.* Come si doleva esser il primo avisase tal nova, che hesendo lo illustrissimo governador a Villafrancha quel zorno, poi acompagnato l'artellarie al Menzo e dato scorta a sier Antonio Zustignan va a Brexa, volendo ritirarse con le zente era rimaste a Bonavigo, siccome scrisse, et aviali li cariazi avanti e le fantarie, sopravene, a hore zercha 21 in 22 l'antiguarda de' francesi et si convene rivoltar le fantarie et esser a le man. Ne fo morte assai, et rota dita antiguarda; sopravene uno squadron di francesi, *adeo* fo necessario al governador e li altri far fato d'arme, et zà il primo era roto, ma sopravene un altro più grosso che fo pericolo a' nostri. Et in questo lui pagador, con Zuan Piero Stella secretario, tolse la volta di l'Adexe et è venuto li a Soave, e con Aleardo è li vegnirà in qua a Vizenza. Si duol esser presi li soi cariazi ne li qual era ducati 1600 di la Signoria, ma ben li piace li ducati 5000 non erano passati di là; e il mal è stà che il ponte a Bonavigo era stà fato disfar per il conte Bernardin e fato condur a Montagnana, che il signor governador nulla sapeva. Quello sarà seguito, zercherà de intender et aviserà subito. Ha scritto per tutto.

Et zonta questa lettera, tutto il Pregadi fo di mala voja, et li savii si reduseno in cheba a consultar, et scriseno letere con questo aviso a Brexa al provedador Griti, mandate per 8 man, acciò una de esse le havesse.

1) La carta 265* è bianca.